

Fu fato con boletini uno difensor sopra la differentia con li monaci di Corizuola in luogo di sier Marco Antonio Corner, si ha excusado per esser di tansadori, e si fa con pena; questo è il scrutinio:

Electo uno difensor sopra la differentia si ha con li monaci di Corizuola.

† Sier Francesco Contarini fo savio a Ter- raferma, qu. sier Zacaria, el cava- lier	142.	41
Sier Thomà Donado è di Pregadi, qu. sier Nicolò	124.	57
Sier Giacomo Antonio Orio fo di Pre- gadi, qu. sier Zuanne	100.	84
Sier Zuan Ferro fo capitano a Brexa, qu. sier Antonio	109.	80
Sier Lunardo Zantani è ai X Savi, qu. sier Antonio	93.	91

145 *Electi do tansadori di 20 Savi sora le reformation di la terra, in luogo di sier Zuan Moro è andà proveditor zeneral a Corfù, e sier Marco Malipiero intrò proveditor a le Biave.*

Sier Bernardo Moro ch'è di Pregadi, qu. sier Lu- nardo	110.	63
non intrò † Sier Ferigo Renier fo po- destà a Verona, qu. sier Alvise	145.	30
† Sier Domenego Trivixan è di Pregadi, qu. sier Zacaria	119.	55
Sier Andrea da Mula el cen- sor, qu. sier Nicolò	99.	81
Sier Zuan Malipiero è di Pregadi, qu. sier Hiro- nimo	92.	84
Sier Hironimo Malipiero è di la Zonta, qu. sier Perazo	96.	78
non Sier Sebastian Malipiero fo proveditor al Sal, qu. sier Troylo, per esser di 15 tansadori.		

Noto. Ozi se intese per via di zenoesi il signor Turco haver posto un governador in Syo e rimosso il governo di zenoesi che prima vi era, *tamen* in la Signoria non è aviso alcuno.

Noto. Eri in Quarantia Criminal fo expedito un hebreo per testimoniar falso: che'l sia bandito di Venetia e de Stato in perpetuo et a star un zorno in berlina con la lingua inciavà, el qual fè una oferta di farsi christian con 3 soi fioli, et cussi fu preso di non meterlo in berlina facendosi fra termine di 8 zorni christian, ma ben sia bandito come fu preso.

A dì 9, *domenega*. La note pioveve assai e tempestò un poco, la matina fo bel tempo, zorno deputato a dar il stendardo al capitano zeneral di mar sier Vincenzo Capello, el qual vene vestido con una vesta damaschin cremexin dogalina et uno manto di raxo cremexin averto una manega, l'altra non, et baretta di veludo cremexin in taier, acompagnato da molti zentilhomeni tra li qual io vi era, et si vene in Gran Conseio, dove vene il Serenissimo vestito di restagno d'oro e la baretta di gantzante d'oro et li oratori imperator, Franza, Anglia, quel conte di Novolara, et Milan, quel di Ferrara non è in questa terra, 3 episcopi Veia, Limisso e Puola, eravi *etiam* il cavalier di la Volpe et uno gentilhomino napolitano nominato domino et domino Matio Avogaro dottor et cavalier citadin di Brexa et zentilhomo nostro, qual è qui per esser con quelli sopra li statuti. Eravi numero 12 procuratori et altri senatori vestiti di seda et scarlato numero poi altri soi invidati al pranso et parenti, et li 13 soracomiti nuovi electi sier Zacaria Zantani, et sier Marco Corner ha messo banco, il suo armiraio Thomà Duodo in damaschin cremexin dogalino, il secretario Hironimo da Canal in scarlato, il cogitor Zuan Francesco Ruberti in paonazo, il sora masser Michiel Sandeli in paonazo *ut supra*, et 8 compagni di stendardo con calze di scarlato et ziponi di raxo cremexin.

Et si vene in chiesa per la porta granda a la messa ditta per il vescovo di Traù *olim* di Scardona, molto cerimoniosa, et con la mitria di perle. Et compita la messa fo benedeto il stendardo et poi il Serenissimo con ditto capitano, qual per ozi preciede tutti li oratori, et li oratori andono a l'altar grande, et li fo dà il stendardo: al qual il Serenissimo li usò molte parole vulgar in substantia di quello se dia dir et è scritto in li comemoriali, le qual parole noterò qui soto et ditto capitano stando in zenoebioni, con le man al stendardo li rispose *verba pro verbis* pregando Soa Serenità non li mancasse in darli aiuto di quello bisogneria perchè l'andava con bon animo etc.

Queste sono le parole: *Elegit te Deus ut de-*